

Segunda Carta de San Pablo a TIMOTEO

Saludo

1 ¹Yn, Pablo, Dios cū caboro jūgori Jesucristo cū caquetibūjurotjoricu cū yau apóstol* majū yu āniña. Jesucristo mena caroaro na caānicōāninucūpeere caānijūgoripaupua cū cabojūgoricarorea bairo nipetiro camasā ati m̄m̄recóo macāānarē yu quetibūjūo joroque ī, yu jowī. ²Bairi yu yau, Timoteo, yu macārē bairo caācū m̄ caānoi, m̄ quetibūjū woajou yu ātiya ati carta mena. Tunu bairoa marī Pacu Dios, marī Quetiupau Jesucristo mena caroare, bairi āmeo īñamairīqūē, yerijōrō ānaje cutaje cūārē cū jonemoāto mūrē.

Dar testimonio de Cristo

³Yn p̄ame Diore yu cajēnirō cārō, mūrē yu tūgoñanucūña. Bairo mūrē tūgoñarī yua, tocānacānia Diopure jēnibojari, “Yn mena m̄ ñumajūcōāña,” cū ñi jēninucūña. Cū, Diore, yu p̄ame caroaro jīcārō tūni tūgoñarīqūē mena yu ñicūjāā ānanarēā bairo tocānacānia cū yu jēninucūña. ⁴Tunu bairoa, Timoteo, mūrē yu caāweyoro īnarī otiquire mena b̄tioro m̄ cayapapuariquere tocānacānia yu tūgoñanucūña. Bairo tiere tūgoñarī

yua, tāmuriā mūrē ñiñau āganucūña, m̄ mena caroaro useanirō tunu yu caāniparore bairo ī. ⁵Merē caroaro ītoricarō mano cariape Jesucristo mena m̄ catūgoñatutuarijere yu masiña. M̄ jūgoyere mai m̄ ñicō Loida, m̄ paco Eunice cūā Jesucristo mena catūgoñatutuarā majū nijūgoyupa. Bairi yu p̄ame narēā bairo cariapea Jesucristo mena m̄ catūgoñatutuarijere yu masicōā ninucūña.

⁶Bairi atore bairo mūrē yu ātirotiya: M̄ r̄poa bui yu wāmorirē m̄ yu cañigāpeorica watoa caroa m̄ caātimasipeere Dios cū cajoriquere nemojāñurō to b̄tio joroque ātiānijūgoyecusa. ⁷Mai, Dios p̄ame cū Yeri Espiritu Santo marī tūgoña uwio joroque caācu meerē marī jowī. Cū Yeri Espiritu Santo nocārō catutuañ majū roquere marī jowī. Āmeo mairīqūē, caroaro ātiānimasirīqūērē cajou majūrē marī jowī Dios.

⁸Torecu, Timoteo, marī Quetiupau yaye macāājērē na quetibūjuboboeticōāña camasārē. Tunu bairoa cū yaye quetire yu caquetibūjubojarije jūgori ato presop̄ yu caānie cūārē tūgoñaboboeticōāña. Atore bairo p̄ame roque āsa: Nocārō tūgoñatutuwēp̄rīqūē Dios m̄ cū

cajorije mena tũgoñatutuari, camasãrê cũ canetõõriqũe quetire mũ caquetibũjũrije jũgori popiye mũ cabairijere cariapea tũgoñanetõcõãña. ⁹Dios pũame roque merê cũ canetõõrĩcãrã marĩ ãniña. Bairo marĩ netõrĩ yua, cũ yarã caroarã caãniparã majũ marĩ beseypu. Marĩ caroaro marĩ caátie jũgori mee, cũ pũame jicã nũgõã caãnijũgoripapũa cũ cabojũgoricarõ jũgori marĩ beseypu. Tunu bairoa Jesucristo jũgori butioro marĩ mairĩ, marĩ beseypu. Merê ati mũnecõo caãnparo jũgoyepũa marĩrê camaijũgoricu niñami Dios. ¹⁰Bairi ãmerê marĩrê canetõpau Jesucristore marĩ tũpũ cũ cajorique jũgori cariapea marĩ cũ camairijêrê marĩ masĩõ joroque átiyami Dios. Cũ, Jesucristo pũame marĩ cũ yarã roro peeropũ marĩ cayasibujiopeere marĩ netõñupĩ. Bairo átiri yua, “Yũ mena catũgoñatutuarã yũ Pacũ Dios mena nicõã ninucũgarãma tocãnacã rũmũ,” i, caroa quetire marĩ quetibũjũgũ asũpi Jesús ati yepapũre. Cariaricarãrê bairo caãna marĩ caãnimiatacũãrê, caroaro cabusuropũ caãna majũ marĩ ãnio joroque marĩ ásupi.

¹¹Torecũ, Dios pũame roque atie nipetirije cũ yaye quetire yũ quetibũju roticũwĩ camasãrê. Bairo camasãrê yũ quetibũju rotijori yua, cũ yau apõstol majũ yũ cũwĩ. ¹²Tore bairo yũre Jesucristo cũ caquetibũjũroticũriqũe jũgori ãmerê roro popiye ato preso jorica wiipũ yũ tãmuõña. Bairo roro popiye tãmuomicũã, tie mena yũ tũgoñaboetiya. Merê cariapea yũ masĩcõãña Jesucristo mena yũ catũgoñatutua jũgoriquere. Jesucristo cariapea catutuau majũ niñami. Bairi cũ yaye queti yure cũ caquetibũjũroticũriqũe to ãnicõã ninucũõ joroque átiyami nemo ati yepapũ cũ catunuetari rũmũpũ. Tie

caãnorê bairo cariape majũã yũ masĩcõãña.

¹³Bairi mũ pũame caroa queti mũ yũ caquetibũjũriquere bairo cariape áticõã ninucũña. Jesucristo mena tũgoñatutuaya. Jesucristo mena jicãrõ marĩ caãnimasĩrijê jũgori marĩ caãmeomaĩãnie mena camasãrê na maiãninucũña. ¹⁴Tunu bairoa Espĩritu Santo marĩrê cajuátipau, cũ cajoricu cũ catutuarije mena caroa buerique macããjê Dios mũ cũ cajoriquere quetibũju ãnijãnaeticõãña. Tie quetire tũgousajãnaeticõãña.

¹⁵Tunu atie apeyera merê mũ masiña: Nipetiro Asia yepa macããna yũ mena atopũ caatãna marĩ yarã yũ tunuweyo peticoãmá. Bairi na mena macããna Figelo, ape Hermõgenejããpũ cũã yũre tunuweyocõãmá.

¹⁶Apei Onesĩforo roque capee majũ yũ yeri tũgoña mũseanio joroque ãmi preso jorica wiipũ yũ cũ caĩnaetanucũrijê jũgori yua. Tunu bairoa preso jorica wiipũ yũ caãnie cũãrê tũgoñaboboricarõ mano yũre iñau etanucũwĩ. Yũ pũame tie tũgoñarĩ, “Marĩ Quetiupau butioro cũ ya poa macããna cũãrê qũĩnamaiátõ,” ñinucũña. ¹⁷Tunu bairoa Onesĩforo yũ cabairijere tũgoñaboboricarõ ãnorêã, Roma* cũ caetari rũmũ caãno yoaro coteri mee, yerijãrĩcãrõ mano yũre macãñesẽãñupĩ Romapũre. Bairo yũ macãmajũcõãrĩ yua, yũ bõcaripũ yũ macãjãnawĩ. ¹⁸Torecũ, Jesucristo nemo ati yepapũ cũ catunuetari rũmũ caãno, marĩ Quetiupau cũrê iñamairĩ caroa majũ cũ yaye macããjêrê cũ cũ joátõ. Efesopũ marĩ caãno, butioro majũ marĩ juátinemowĩ Onesĩforo. Tie caroaro merê mũ masiña.

Un buen soldado de Jesucristo

2 ¹Bairi, Timoteo, yũ macũrê bairo caãcũ, mũ pũame, mũ caátĩãnimasĩpee Jesucristo mũrê

cũ cajorique nipetirije mena tutuaro quetibũjũ añinucũña camasãrẽ.

²Torecu, mu puame capãrã na catũgoropu yu caquetibũjurique mu catũgoriquere noa ùna aperã caũmua caroaro caátianarẽ na quetibũjũnetõña. Bairo na mu caquetibũjũnetõrõ, na puame cũã aperãrẽ na quetibũjũnutuagarãma tie quetire.

³Jicãũ soldau* popiye cũ wapana jũgori tãmuomicũã, cũ cabairijere nũcãnetõcõãñami. Torea bairo mu cũã Jesucristo yau soldau caũnu añirĩ cũ yaye queti jũgori popiye mu catãmuonucũrjẽrẽ nũcãnetõcõãña.

⁴Jicãũ soldau caãcũ cũ quetiupau cũ carotirore bairo jeto jicãrõ tũni átinucũñami. Bairo caãcu añirĩ, aperã soldaua caãmerã camasã mena añirĩ narẽ bairo átiamerĩnucũñami, cũ quetiupau cũ caññajesoparore bairo ï. Tore bairo mu cũã Jesucristo yau soldaure bairo caãcu añirĩ cũ carotirore bairo jeto átiaña, murẽ qũññajeso joroque ï. ⁵Torea bairo eperi majõcu cũã, caroaro cũ caeperije wapa cũ na cajopeere ñemasĩtĩñami, caroaro eperique macããjẽ carotirore bairo jicãrõ tũni cũ caãtipeyojĩãtieticõãta. ⁶Tunu bairoa jicãũ cũ wesere capaanucũũ, cũ roque caññijũgoro cũ yaye cũ caoterique cabutiro rĩca jemasĩñami. ⁷Timoteo, atie murẽ ïcõñarĩ, mu yu caquetibũjurijere caroaro tũgopeoya. Tie mu yu caquetibũjurijere marĩ Quetiupau roque caroaro mu tũgoãmewiyo masĩõ joroque mu átigumi.

⁸Timoteo, atie Jesucristo cũ cabairiquere masiritieticõãña: David ãnacũ pãrami majũ marĩrẽã bairo caãcũ ãñupĩ Jesucristo. Bairo caãcũ nimicũã, Diore bairo cũ cañnierẽ marĩ masĩõgu pajĩãecori bero cati tunuocõsupi tunu.

Yu puame tie camasãrẽ cũ canetõrĩqũẽ quetirea yu quetibũjũnucũña camasãrẽ. ⁹Tie quetire camasãrẽ yu caquetibũjurije jũgori roro popiye yu tãmuonucũña. Tunu bairoa roro majũ caãtimajũcõãrĩcũrẽ bairo ato preso jorica wiipure ãpõãwẽ mena jiyaricu yu añiña. Bairo yu cabaimiatacũãrẽ, Dios yaye caroa queti puamerẽ ñamũ ùcũ yasio masĩcũmi. Nipetiropu jesapeticoagaro. ¹⁰Bairi yu puame, Dios yarã cũ cabesericarã caroaro na caññipeere ï, roro popiye yu tãmuonucũña. Na cũã yu caquetibũjurijere tũgori bero yua, nocãrõ caroaropu netõjĩãtiri, yeri capetietiere Jesucristo jũgori na cacũgoparore bairo ï, butiuro yu quetibũjũnucũña.

¹¹Atie caãnorẽ bairo cariape niña: Jesucristo mena tũgoñatutuari cũ yaye quetire marĩ caquetibũjurije jũgori marĩrẽ na capajĩãrocaata, Jesucristo cũ cacatitunurĩcãrõrẽã bairo marĩ cũã marĩ catitunucõagarã, riamirãcũã yua.

¹²Ati umurecõopure popiye marĩ catãmuoatacũãrẽ, Jesucristo cũ carotimasĩrĩpaure caññiparã majũ marĩ ãnigarã. Apeyera Jesucristore masĩmirãcũã, marĩ caĩtoata, cũ cũã marĩrẽ masĩtĩgumi.

¹³Cãrẽ boetiri, cũ caborore bairo marĩ cabaiepatacũãrẽ, cũ roque tocãnacã rũmua caũnu nicõã ninucũgumi. Cũ roque cariape caĩ majũ añirĩ cũ majũã ïtomasĩtĩñami.

Un trabajador aprobado

¹⁴Timoteo, atiere na mu quetibũjũnemowã. Bairo na quetibũjũnemorĩ, atore bairo na

mũ átirotiwa Dios cū cañajoro: Cabugoro macãajê busurica risero macãajê ũnie mena tocãrõã na ãmeo busurique netõjãnacõãto. Tie ũnie ãmeo busurique netõrĩqũe cabugoro macãajê dope caátĩãmanie majũ niña. Tie na cabusurijere noa ũna catũgori majã puamerê roro na tũgomawijiao joroque caátie ũnie majũ niña. ¹⁵Jicãũ paabojari majõcu nipetiro átijĩãtipetiri, cũ quetiupaure cũ caetarore bairo mũ cũã nipetiro caroaro átijĩãtipetiya Dios cũ cañajoropũ yua. Tore bairo caroaro áticõã ninucũña ñe ũnie jũgori Dios mena mũ catũgoñaboboetiparore bairo. Cũ yaye caroa quetibujuriquere jĩcãrõ tũni quetibujucõãña camasãrê. ¹⁶Timoteo, mũ roque aperã cabugoro macãajê dope caátĩãmanie busuriquere quetibujugari na caãmeobusurique netõnucũrĩjê ũnierê di rũmũ ũno tũgopeoeticõãña. Tie ũnierê cabusupainucũrã nemojãñurõ Diore cũ tũgousajãnarĩ, carorije macãajê puamerê jõpuame átijũgonutuayama. ¹⁷Tunu bairoa na yaye na cabuenucũrĩjê puame riaye gangrena camasãrê carupãũ ũgarijere bairo cañuetie majũ ninucũña. Tore bairo tãmuorã baiyama Himeneo, apei Filetojãã puame yua. ¹⁸Bairo na puame cariape quetire tũgousajãnarĩ, ricaati tũgomawijiarã baiyama. Tore bairo tũgomawijiarĩ yua, “Merê Dios camasã cariaricarãrê cũ cacatiobujiorica rũmũ netõcoasupa,” ĩ quetibujunucũñama. Bairo na caĩquetibujurije mena yua jĩcããrã camasãrê Jesucristo mena na catũgoñatutuarijere na átımawijiorã átiyama. ¹⁹Tore bairo na caátĩãmanie busurique dope caátie ũnie majũ niña. ²⁰Ape wãme irĩcãrõ puamata, jĩcã wii capairi wiipure oro, o plata mena na caqũenorĩqũe jeto mee, jotũũ niña. Ape wãme, rĩi, bairi yucu mena na caqũenorĩcãrũri cũã ninucũña. Jĩcãrũ jotũ bõse rũmũ macããrũ majũ niña. Aperũ puame cabugoro macããrũ, tocãnacã rũmũna na cacũgorirũ ninucũña. ²¹Torea bairo marĩ cũã tocãnacã wãme carorije macããjêrê marĩ caãpericõãta, oro, o plata joture bairo caãna majũ marĩ tuagarã. Tore bairo marĩ caãmata, marĩ Quetiupau caãnimajũrĩjê cũ caátĩãmanie busuriquere quetibujugari na caãmeobusurique netõnucũrĩjê ũnierê di rũmũ ũno tũgopeoeticõãña. Tie ũnie puame marĩ ãmeo teo joroque caátie niña. Tiere merê caroaro mũ masĩña. ²⁴Bairi marĩ Quetiupau cũ carotirijere capaabojari majõcu cũ yau caãcũ puame aperã mena roro caãmeo busurique netõñesẽãpau ũcũ mee niñami. Bairo puame roque cũ caãto ñũña: Nipetiro mena caroaro caátĩãnimasĩ niñami. Tunu bairoa camasãrê caroaro

woatuyupa: “Marĩ Quetiupau cũ yarã cariapea caãnarê na masĩcõãñami.” Aperopũ cũãrê bairo ĩ woatuyupa: “Tocãnacãũpuã, ‘Dios yarã jãã ãniña,’ caĩrã carorije átaje macããjêrê na jãnacõãto,” ĩ woatuyupa ti tutipũ.

²⁰Ape wãme irĩcãrõ puamata, jĩcã wii capairi wiipure oro, o plata mena na caqũenorĩqũe jeto mee, jotũũ niña. Ape wãme, rĩi, bairi yucu mena na caqũenorĩcãrũri cũã ninucũña. Jĩcãrũ jotũ bõse rũmũ macããrũ majũ niña. Aperũ puame cabugoro macããrũ, tocãnacã rũmũna na cacũgorirũ ninucũña. ²¹Torea bairo marĩ cũã tocãnacã wãme carorije macããjêrê marĩ caãpericõãta, oro, o plata joture bairo caãna majũ marĩ tuagarã. Tore bairo marĩ caãmata, marĩ Quetiupau caãnimajũrĩjê cũ caátĩãmanie busuriquere quetibujugari na caãmeobusurique netõnucũrĩjê ũnierê di rũmũ ũno tũgopeoeticõãña. Tie ũnie puame marĩ ãmeo teo joroque caátie niña. Tiere merê caroaro mũ masĩña. ²⁴Bairi marĩ Quetiupau cũ carotirijere capaabojari majõcu cũ yau caãcũ puame aperã mena roro caãmeo busurique netõñesẽãpau ũcũ mee niñami. Bairo puame roque cũ caãto ñũña: Nipetiro mena caroaro caátĩãnimasĩ niñami. Tunu bairoa camasãrê caroaro

²²Torecũ, mũ roque aperã cawãmarã roro na rupãũ caborore bairo na caátie ũnierê di rũmũ átiga tũgoñaeticõãña. Atore bairo puame ása: Caroaro cariape átĩãnajê cusa. Jesucristo mena tũgoñatutuacõã ninucũña. Diore, bairi aperã camasã cũãrê na maicõã ninucũña. Dios yarã caroarã ñe ũnie na yeripũ carorije mãna caãna mena caroaro yerijõrõã nicõã ninucũña. ²³Aperã cabugoro macãajê dope caátĩãmanie busuriquere quetibujugari na caãmeobusurique netõnucũrĩjê ũnierê di rũmũ ũno tũgopeoeticõãña. Tie ũnie puame marĩ ãmeo teo joroque caátie niña. Tiere merê caroaro mũ masĩña. ²⁴Bairi marĩ Quetiupau cũ carotirijere capaabojari majõcu cũ yau caãcũ puame aperã mena roro caãmeo busurique netõñesẽãpau ũcũ mee niñami. Bairo puame roque cũ caãto ñũña: Nipetiro mena caroaro caátĩãnimasĩ niñami. Tunu bairoa camasãrê caroaro

caquetibujū āmoqūēmasī niñami. Tunu bairoa camasārē yerijōrō Dios yaye quetire caquetibujūmasī ñuñami. ²⁵Tunu bairoa aperā cabotiorā cūārē yeri ñurīqūē mena cabeyomasī ūcū cū caño ñuña. Cū pñame, “Roro na caátiere tūgoñawasoari, cariape quetire tūgori bero Dios pñamerē tūgousabujiorāma,” i, tore bairo caroaro mena cū caquetibujūro ñuña. ²⁶Tore bairo cū caquetibujūmasiata yua, wātī roro na cū caitorijere tūgoñamasacatigarāma. Bairo tūgoñamasacatiri yua, roro wātī narē cū caboro cū caátianiganucūrijērē átiecoetigarāma.

Cómo será la gente en los tiempos últimos

3 ¹Apeyera, Timoteo, ati umurecío cañitusari yutea cañnorē camasā Dios yarā popiye tāmūogaráma. ²Ti yutea cañnorē camasā cañuena nigarāma. Jīcāārā na majū na caborore bairo jeto átianiganucūgarāma. Tunu bairoa cadinero ugaripea pairā nigarāma. “Aperā netōrō cañimajūrā jāā ñniña,” caītūgoñarā nigarāma. “Jāā jeto camasīmajūrā jāā ñniña,” irārē bairo catūgoñarīqūēcuna nigarāma. Diore cū baibotiori roro cabusupairā nigarāma. Aperā na pacua cūārē cayuena, cabaibotiopairā nigarāma. Aperā, “Jāā mena mu ñujāñuña,” di rūmu ūno cañena nigarāma. Bairo caāna ānirī Dios yaye macāājē buerique cūārē di rūmu nucūbugoro ññaetigarāma. ³Tunu bairoa di rūmu ūno bopacooro cabopacarārē catūgoñaena ninucūgarāma. Aperā roro caocayoja pairā nigarāma. Aperā cūā roro na rupau caborore bairo jeto na caátiganucūrijērē catūgoña ēñotamasīēna nigarāma. Tunu bairoa aperā tūgoñamairīcārō mano tutuaro

mena roro átinucūgarāma camasārē. Na pñame nipetiro caroa macāājērē caboena majū ninucūgarāma. ⁴Tunu bairoa jīcā majā nimirācūā, roro busujā buitiregarāma aperā na yarā camasārē. Roro majū caasiapairā nigarāma. Nocārō paio roro na caátie mena nimirācūā, “Caroa macāājērē caāna majū jāā ñniña,” i tūgoña botionucūgarāma. Dios yaye macāājērē tūgousari bero, cū mena tūgoñatutuaricaro ūnorēā, na majū rupau caborore bairo na caátigarije pñame jetore butiuro ugaripeari átianiganucūgarāma. ⁵Bairi tunu Dios yaye macāājērē cabuerārē bairo majū baitogaráma, munana. Bairo Dios yaye cū catutuarije macāājērē masīmirācūā, tiere caēñotarārē bairo jīcārō tūni na yeri mena átianimasīētīnucūgarāma.

Na ūnarē, Timoteo, mu roque na itoecoeticōāña. ⁶Na ūna ninucūñama noo na caboro aperā ya wiiripū cajāāñesēānucūrā. Bairo ape wiiripū jāāñesēārī yua, carōmia cayeri tūgoñatutuaena roro caátipairārē na itoepenicūñama. Bairo itori yua, nipetiro carorije macāājērē na mena roro átiepenicūñama, na rupau caborore bairo yua. ⁷Bairi tunu na ūna di rūmu ūno rusaeto buenucūñama Dios yaye quetire. Bairo buemirācūā, di rūmu ūno cariape macāājērē tūgojīāti peyoetaetinucūñama. ⁸Camasīrī majā cūmua ūna Janes, apei Jambres cawāmecuna Moisés ānacūrē cū boena, cū botiori, na camasīrījērē cū áti iñoñupā. Narēā bairo caītopairā cūā cariape macāājē Dios yaye quetire caboena niñama. Caūmua catūgoñarīqūē mána catūgoñamasīēna niñama. Dios mena catūgoñatutuañanarīcārā majū niñama. ⁹Merē camasā aperā caroaro masīcōāñama catūgoñamasīēna majū

na caänierē. Tirūmɔpɔ caänana Janes, apei Jambrejää, Moisés änacürē caboetananrē bairo roro na cabairijere merē masĩcõãnama camasã. Bairi di rūmɔ ũno nemojãñurõ camasãre na itonemonutua áperigarãma yua.

El último encargo de Pablo a Timoteo

¹⁰Timoteo, mɔ roque caroaro cariape yɔ caátirotirore bairo yɔ cabuerijere mɔ átiäninucũña. Yurea bairo ati wãmerĩrē caroaro mɔ átiäninucũña: Yurea bairo caroaro mɔ átajecuti änimasiña. Yurea bairo mɔ cüã yɔ caátianipeere mɔ tũgoñanucũña. Mɔ cüã yurea bairo Dios mena mɔ tũgoñatutuaya. Camasã roro popiye mɔ tãmɔo joroque na caátimiatacũãrē, caroaro yerijorõ yurea bairo mɔ tũgoñanetõcõã ninucũña. Camasã aperã cüãrē caroaro yurea bairo na miñamaiña. Tunu bairoa yurea bairo popiye tãmuonucũmicüã, mɔ yeri tũgoñatutuajãñuña. ¹¹Roro mürē pajĩtagarã, o tocãnacã wãmerē roro popiye tãmuomicüã, mɔ nucãnetõcõãnucũña. Yɔ yau, merē caroaro mɔ masiña roro majũ Antioquía, Iconio, bairi Listra yɔ catãmuoriquērē. Roro majũ Jesucristo yaye queti jũgori yɔ pajĩtagawã to macããna. Roro majũ popiye yɔ tãmuowũ. Bairo roro popiye yɔ catãmuomiatacũãrē, marĩ Quetiupau pɔame tie nipetirijere yɔ juátinewowĩ.

¹²Bairãpua, merē marĩ masiña: Nipetiro Jesucristo cü caborore bairo caroaro caátianigarã, tocãnacãpua roro popiye áti ecogarãma, aperã jũgori. ¹³Aperã carorã cañuena, aperã caĩtopairã roque nemojãñurõ jõpɔame carorije macããjērē átinutuagarãma. Aperãrē roro na itoepemirãcũã, na cüã roro itoecogarãma na yaye wapa yua.

¹⁴Timoteo, mɔ pɔame roque tie ũnie ápeia, caroa wãme jetore tocãnacã rūmɔna áticõã ninucũña mürē yɔ

cabuerique mena. Merē tie queti, “Cariape majũã niña tie quetibũjũrique,” ĩrĩ caroaro mɔ tũgousacõã ninucũña. Mürē tie quetire cabuericarã cüãrē cariapea mɔ masiña. ¹⁵Tunu bairoa merē caroaro mɔ masiña cawĩmauacã äcũpãna, Dios yaye macããjē caroa quetire mɔ camasĩjũgorique. Bairi mɔ pɔame nemojãñurõ buecõã ninucũña. Bairo tie quetire nemojãñurõ bueri caroaro mɔ caátiamata, Jesucristo mena mɔ catũgoñatutuarije jũgori mɔ netõmasĩgu. ¹⁶Nipetiro Dios ya tuti macããjē wouatrique Dios cü camasiõrõ jũgori na cawoaturique niña. Bairi tie buerique marĩrē cajuátiere bairo ñujãñuña. Aperãrē tiere bueata, ñujãñuña. Tie mena jũgori aperãrē beyogu, marĩ cabueata cüãrē, ñujãñuña. Tie mena jũgori caroaro cariape na caänimasĩpeere bori, narē marĩ cabueata, tie queti ñumajũcõãña. ¹⁷Tore bairo marĩ cabueata yua, Dios yau caãcũ pɔame tocãnacã wãme caroa macããjērē caátijĩãtimasĩpeyow majũ tuagumi.

4 ¹Jesucristo, catusari yutea caño quetiupau reyre* bairo atĩgumi tunu, nipetiro ati yepa macããna camasã cariaricarã, cacatirã cüãrē na ĩñabesei acú yua. Bairo caatĩpau, Jesucristo, bairi cü pacu Dios mena cü caĩñajoropɔ atore bairo butioro mürē yɔ átirotiya. ²Caroa queti Dios yayere butioro na quetibũjũya camasãrē. Tunu bairoa noa ũna caroaro catũgorã, o catũgogaena na caãmata cüãrē, tocãnacãnia na mɔ quetibũjũnucũwã, tore bairo mɔ caquetibũjũrije to cañuata yua. “Cariape quetibũjũyami Timoteo,” na ĩ tũgo joroque caroaro na quetibũjũya camasãrē. Tunu bairoa tutuaro mena noa ũna cabotiorãrē na mɔ caquetibũjũpee caãmata, tutuaro mena na mɔ quetibũjũgu. Nemojãñurõ

Dios yarā cū mena na tūgoñatutuaō joroque na quetibujuri na juátinemoña. Caroaro yerijōrō tūgoñariqūē mena nūcūbugoroa na quetibujuya camasā to macāānarē. ³Jicā yutea etagarō tocārōā camasā caroa queti Dios yayerē boetiri na catūgogaeti yutea. Noa ūna aperā, na rupau caborore bairo jeto ricaati cabueri majā, camasā na catūgojesorije ūnie jetore cabuerā puamerē na macāgarāma. Na rupau caborore bairo na caátigarije macāājē, na catūgojesorijere cabuerā puamerē na tūgousajūgogarāma. ⁴Dios yaye macāājē puamerē yua boetigarāma. Carorije quetibujurique tocānacā wāme puamerē tūgopeogarāma. ⁵Bairo na ūna na cabaimiatacūārē, mū puame roque caroaro majū caroa wāmerē áticōā ninucūña. Roro ropiye tāmūomicūā, nūcānetōcōā ninucūña. Dios yaye queti camasārē cū canetōōrīqūē queti puamerē tocānacā rūmua quetibujucōā ninucūña. Caroaro jīcārō tūni átipeyocōā ninucūña mū paarique macāājēre. ⁶Yū puame Jesucristo yaye yū caátīanie jūgori yū cayasipa rūmū merē cōñarō baiya. Merē Dios tūpu āniāgu, cū yū cariajojapee etaro baiya. ⁷Jesucristo yū cū cabueroticūrīqūēre merē nipetiro jīcārō tūni yū átiyaparo peticōāña. Ámeo qūēirē bairo tutuaro caroaro jīcārō tūni yū átiyaparo. Tunu bairoa epei caatūri majōcū jīcārō tūni átiri, cū caatyaparo etarore bairo yū cūā Jesucristo mena jīcārō tūni yū átiyaparo petietaya merē. ⁸Bairi āmerē yua, yūre Dios cū cajopee caānorēā bairo ūmurecōopūre corona* pesarica beto yū ānicotero bairo merē. Marī Quetiupau camasārē cañabesei cañuu majū ti beto pesarica betore yū jogumi cū cacōrīcā rūmū caetaro. Yū jeto merē jogumi baiyua. Nipetiro cūrē mairīqūē

mena ati yeparu cū catunuatóre caboocoteāna cūārē na jomajūcōāgumi.

Instrucciones personales

⁹Yū yau, Timoteo, mū cabooata, dope bairo mū caatīmasirō cārō átiri, yūre miñau atímajūcōāwā. ¹⁰Demas puame ati ūmurecōo macāājēre bütioro cabonetōū ānirī yū aweyocoámí. Tesalónica macāpu acoámí. Apei Crescente puame roquere Galacia yeparu cū yū jowu. Apei Tito puame cūārē Dalmacia yeparu cū yū jowu. ¹¹Jicāūā, Lucas jeto yū mena niñami. Bairi Marcote cū mū macāwā. Cū roquere cū mū piiapá ato mū caatī rūmū caāno. Ape watoara cū puame yū juátibujoumī ato yū capaāno yū paariquere. ¹²Apei marī yau Tíquico puamerā Efeso macāpu cū yū jowu. Topu ācūmī. ¹³Apeyera atopu acú, yū jutiro cayoaro, Troas macā yū cacūrīcārōrē yū mū neatībojawa. Carpo ya wiipu yū cūwū tore. Apeye yū papera tutiri cūārē mū jeatībojawa. Papera pergamino pūūrī roquere mū cūēpā. Mū jeatīmajūcōāwā. ¹⁴Apeyera Alejandro āpōārē capaancūū puame roro majū yū átinucūñami. Yūre caroaro nūcūbugoetiyami. Bairi marī Quetiupau puame cū caátaje cārō qūīñacōñarī qūīñabesegumi cū yaye wapa. ¹⁵Bairi mū puame cūrē cū uwiya. Roro mū tāmūo joroque mū átiremī. Cū puame yua āmerē camasārē marī caquetibujūnucūrījē Dios yaye caroa quetire caboecu majū catuaricu niñami. ¹⁶Cañabeseri majā carotimasirā tūre yū cabusuqūēnou etari watoare jīcāū majūā yū āmū. Noa ūna yū jubusunemoema, quetiuparā carotimasirātu yū caetajūgorore. Nipetiro yū mena caānimiatana yū aweyopeticoámá. Tie na

cabairique jūgori marī yarārē Dios p̄ame popiye na baio joroque na cū ápericōáto. ¹⁷Bairo marī yarā yure na cajuáperimiatacūārē, marī Quetiupau roque yu juátimajūcōāwī. Yeri tūgoñatutuarique majūrē yu jowī. Bairo yeri tūgoñatutuarique yu cū cajoro jūgori cū yaye queti camasārē cū canetōōriqūē quetire caroaro na yu quetibūju masiō joroque yu ámi. Na, nipetiro judío majā caāmerā cū yaye quetire na yu caquetibūjuro bero, tiere na tūgopeo joroque ámi Dios. Tore bairo átiri yu netōwī marī Quetiupau p̄ame, macāncū yaiare bairo cauwiorā caāna quetiuparā roro yure na caátibujiopeere yua. ¹⁸Bairi tunu ato jūgoye cūārē nipetiro roro yu catāmnopeere yu juátinemocōā ninucūgumi Dios. Bairo yu netōrī yua, cū carotimasírīpau umurecōopu caānipau majū yu tuao joroque yu átīgumi. ¡Bairi cū jetorea cū caasiyarije caroa cū catutuānie to ānicōā

ninucūáto tocānacā rūmua! Bairoa to baiáto.

Saludos y bendición final

¹⁹Bairi apeyera marī yarā Prisca, Aquila, bairi Onesíforo ya poa macāāna cūārē yu ñurotijoya. ²⁰Apei Erasto cawāmecucu p̄ame Corinto macāpu tuawī. Trófimo puamerā Mileto macāpu cariaure cū yu atíweyowu. ²¹Timoteo, tāmuri jāñurōā m̄u apá. Tāmuriā, pue caetaparo jūgoyea m̄u apá atopure. M̄urē ñurotijoyama marī yarā. Eubulo, Pudente, Lino, Claudia, bairi marī yarā nipetiro ñubueri majā cūā m̄u ñurotijoyama.

²²Bairi yua, marī Quetiupau Jesucristo m̄urē cū juáticōā ninucūamarō. Bairi Dios cūā nocārō caroa cū yaye macāājērē m̄ujāā nipetirore cū jonemoáto.

Tocārōā niña atie queti yu cawoaturije.